



Jane Rusbjerg
Aatsitassanut Ikummatissanullu Pisorta qarfik
Postboks 930
3900 Nuuk Kalaallit Nunaat

Allakkiaq

Betoncentralimit qinnuteqaammut "Ujaqqanik aserorterivimmut CE-mik nalunaaqutsikkamut nutaamut avatangiisinut tunngatillugu akuersissuteqar-nissamik qinnuteqaat" 30/4-2012-imeersumut oqaaseqaatit matumuuna DCE-p nassiuppai.

Institut for Bioscience

Kim Gustavson

Seniorforsker

Dato: 20 april 2012

Mobiltelef.: +45 30183113
E-mail: kig@dmu.dk

Afs. CVR-nr.: 41826614

Side 1/3

Qinnuteqaammi allassimavoq aserorterivimmi nutaami assartuutip ingerlaar-titsiviusup aammalu nakkalaterutip qulisaanerani pujoralaap avatangiisinut siammartarnera annertuumik annikillissasoq. Qinnuteqaammi allassimavoq sequtserivinni pingaarnerni BC-blokkenik nipiliornermut assiaqusersuinikkut Betoncentralip kujataani nipiliornermut annikillissineq annikillissineqassasoq.

Tamatuma saniatigut qinnuteqaammi allassimavoq BC-blokkenik anorimut assiaqusersuut inissiiveqarfimmi atortut anorimut malussarissut kujataani ikkunneqassasoq. Anorimut assiaqusersuut sioqqat inissisimanerannit 1 me-terit missaannik portunerussaaq.

Qinnuteqaammi tamatuma saniatigut pujoralaat siammartarnerat annikil-lisinniarlugu piffissami qanittumi aqqiissutissaq (nutaamik aserorterivim-mik pilersitsinissap tungaanut) allassimavoq, avannaanit 10 m/ s-imit sak-kortunerusumik anorsaritsillugu imaluunniit 20 m / s-imit sakkortunerusu-mik anorlertillugu tunisassiornerup unitsinneqarneratigut aammalu piffissani qerinangiffiusuni tunisassiornerup nalaani pujoralatserinnginnissamut imeq atorneqartassalluni.

DCE-p oqaaseqaatai:

Ujaqqanik aserorterivimmit nakkalaterivimmillu pujoralaat siammartarnerat nipiliornerlu annertoorsuusinnaapput. Pitsaasumik sumiiffimmut piler-saarusiernerup saniatigut aserorterivimmut naleqquttumik piunasaqaa-teqarnikkut kiisalu suliniutinik ajoqusersuinernik nipikillissitsinnaasunik / annikillissitsinnaasunik ingerlatsinikkut pujoralannit nipiliornermillu ajoqu-sersuinerit annikillissineqarsinnaapput. Nipiliornerup / pujoralatserinerup



annikillisinnissaanut pujoralatserisumi nipiliortitsisumilu iliuuseqarnissaq sunniuteqarluarnerpaasarpoq. Betoncentralip qinnuteqaataa pujoralatserisumi nipiliortitsisumilu nipiliornermik / pujoralatserinermik annikillisitsinis-samik tunngaviusumut naapertuuppoq.

Betoncentralip allappaa, maskiinat nutaat CE-imik nalunaaqutsigaasut aam-malu assartuut ingerlaartitsiviususaaq nakkalatitserullu qulisaassasut. Nali-liisoqarpoq assartuut ingerlaartitsiviususaaq nakkalatitserullu qulisaasut tu-nisassiornermi pujoralaat siammarnissaannik annikillisitsissasut, kiisalu sequtserivimmi pingaarnermi nipiliornermut BC-blokkiniq assiaqusersuutit kujammut nipiliornermik annikillisitsissasut.

Tamatuma saniatigut qinnuteqaammi allassimavoq inissiivimmi atortut anorimut malussarissut kujataanni anorimut assiaqusersuutit BC-blokkit ik-kussorneqassasut. Anorimut assiaqusersuutit sioqqat inissisimaviannit 1 me-terit missaanni portunerussapput.

Aserorterivik nutaaq, nipiliornermut assiaqusersuutit aamma anorimut assi-aqusersuutit suliniutaanersut naammattut nalileruminaatsorujussuuvoq aammalu sumiiffimmi pissutsit apeqquataallutik. Aserorteriviup aamma anorimut assiaqusersuutit ikkussorneqareerneranni uuttuinikkut suliniutit / naleqqussaanerit annertunerusut pisariaqassanersut paasinarsisinneqarsin-naavoq, assersuutigalugu tunisassiornermi aammalu inissiivimmi imermik seqqarsaaneq aammalu nipiliornermut assiaqusersuutit aamma anorimut as-siaqusersuutit ilusilersornerinik allanngineq).

Aserorterivimmit pujoralammik siaruarterinerup annikillisinneqarnissaanut tunngatillugu piffissami qanittumi aaqqiissutissaq qinnuteqaammi allas-simavoq (aserorteriviup nutaap ikkussorneqarnissaata tungaanut). Allas-simavoq avannaanit 10 m/ s-imit sakkortunerusumik anorsaritsillugu tuni-sassiorneq unitsinneqartassasoq imaluunniit tunisassiornerup nalaani pujoralatserinnginnissamut imeq atorineqartassalluni. 10 m/s-imik anorsarit-tarnera allassimasoq Ref-Lab-nalunaarusiami (nalunaarusiamut [link](#)) anori-mut killissanut inassuteqaatinut naleqqiullugu killissaliutissallugu naamma-ginarpoq.

DCE-ip nalunaarusiaani suliarineqaleruttortumi ”Kalaallit Nunaanni ujaqqanik aserorterivinnit avatangiisinut sunniisarnerit – pujoralak aamma nipiliorneq” siunnersuutigineqarpoq Norgemiut ujaqqanik aserorterivinnut sumiiffimmi aalajangersimasumiittunut aamma angallattakkanut maleruaga-ssiaat, danskit nipiliornermut killissaliussaannut ilitsersuutaasunut ata-qatigiissillugit, Kalaallit Nunaanni ujaqqanik aserorterivinni avatangiisinut naliliinermut atatillugu atorineqarnissaat naleqqussinnaasut.



Aserorteriviit nutaat aammalu pujoralammik nipiliornermillu annikillisitsini-arluni suliniutit assigiinngitsut siunissaq ungasissoq eqqarsaatigalugu naammannissaat, nakkutilliinermut oqartussaasut avatangiisinut akuersis-summi piumasaqaateqarnermikkut qulakkeersinnaavaat. Piumasaqaat pingaarneq, soorlu assersuutigalugu ”suliffeqarfimmi suliaqarneq avatangiisini pujoralatserinermiit ajoqusersuinissamik kinguneqassanngilaq” pingaarnertut piumasaqaataasinnaavoq, kisiannili malinnaavigiuminaassinnaavoq, tamanna oqartussaasunut imaluunniit suliffeqarfimmut suliaqarfi-usinnaanngimmat. Pujoralaat teqqalanerannut nipiliortitsinernullu killissali-ussatut aalajangersakkat, ingerlatsinermut uuttuutit alapernaarsuinerullu mis-sissortarnerisigut ingerlaavartumik misissorneqartarsinnaapput. Ilassuti-galugu atortunut maskiinanullu piumasaqaateqartoqarsinnaavoq, suliaqarne-rup ingerlanneqarneranut kiisalu nakkutiginninnermut atugassarititaasussa-nik piumasaqaateqartoqarsinnaalluni.

DCE-ip inassutigaa pujoralannut nipiliortitsinernullu Norgemiut danskillu killissaliussa atorneqassasut, kiisalu misissuisarnissamut alapernaarsuisar-nissamullu pisussanik pilersaarummik ilusilersuisoqassasoq. DCE-ip tama-tuma saniatigut inassutigaa, aserorteriviup nutaap aammalu pujoralannut / nipiliornernut assiaqusersuutit naammattumik pujoralatserinermiit ajoqu-sersuinerit annikillisissinnaanngippagit imaluunniit killissaliussat naamma-sisinnaanngippagit atorneqalersinnaasunik suliniutinik /sunniiniutinik ilas-sutaasussanik annikinnerusunik iliuuseqarnissamik Betoncentrali peqquneqarsinnaasoq.

Inussiarnersumik inuulluaqqusillunga

Kim Gustavson